

Սամվել Կարապետյան

ՋԱՎԱԽՔԻ ԽԱՉՔԱՐՆԵՐԸ

Самвел Карапeтjан

**ХАЧКАРЫ
ДЖАВАХКА**

Samvel Karapetian

**КНАСНКАРС ОФ
ЈАВАКНН**

ԵՐԵՎԱՆ 1995

ՍԱՄՎԵԼ ԿԱՐԱՊԵՏՅԱՆ

**ՋԱՎԱԽՔԻ
ԽԱՉՔԱՐԵՐԸ**

ԵՐԵՎԱՆ 1995

**Խմբագիր՝
Լաուրա Մանուկյան
Կազմի ձեւավորող՝
Արմեն Գեւորգյան**

Գիրքը հասցեագրվում է ինչդեռ խաջհարային արվեստով ու դրանց դասընթացները զբաղվող մասնագետներին, այնդեռ էլ հայ մշակույթով հետաքրքրվող ընթերցողներին:

Հեղինակից

Ջավախքում խաչքարերի որոնման նպատակով բազմաթիվ հնավայրեր այցելել ենք շնորհիվ սրտացավ շատ ու շատ տեղացիների օգնակցության:

Արթից օգտվելով խորին շնորհակալությունս են հայտնում գանձացի Գրիգոր Քանաչյանին (ուսուցիչ), սաթխացի Արտուշ Մանուչյանին (պատմաբան, դպրոցի ուսնավար), սիրկվացի Խաչատուր Հարությունյանին, մաջադեցի Երվանդ Շիրինյանին (դպրոցի տնօրեն), մեծ գոնդուրեցի Ռազմիկ Միքայելյանին (ուսուցիչ), մերենեցի Կամո Քաղբցյանին, բեժանոցի Վարազդատ Խոտավերդյանին, դուշաչիացի Արտակ Արաբյանին (դպրոցի տնօրեն), գոմանցի Վելիխան Վարդանյանին, խանդոցի Ջոն Թորոսյանին, օրջացի Մեխակ Անտոնյանին, բոգալեցի Կարո պապին (Կարապետ Մեյրոյան), կարգախցի Մարտին Թազվորյանին, դադեշցի Արտաշ Սարգսյանին (վարորդ), խավեթցի Մելսիկ Թորոսյանին (խորհտն տնօրեն), տաքածդուրեցի Գրիգոր Ամրշատյանին (դպրոցի տնօրեն), տուրցխեցի Գուրի Եթերին (բանաստեղծ), դիլիսկեցի Ռուբեն Նահատակյանին (բանասեր) եւ մանավանդ տուրցխեցի Հակոբ Ավետիսյանին, որը շարաքներ շարունակ իր ժամանակն ու հնարավորությունները զոհելով էպպես նպաստեց սույն աշխատանքի կայացմանը:

Դաշտային հետազոտություններին մասնակցել են Արտուշ Խանջյանը, Ռուբեն Նահատակյանը եւ Հայկ Թորոսյանը:

Դաշտային ուսումնասիրական աշխատանքները սկսվել են 1989 թվականին «Հուշարձանների պահպանության գլխավոր վարչության» եւ ավարտվել «Հայկական ճարտարապետություն ուսումնասիրող» (RAA) կազմակերպության նախաձեռնությամբ ու հովանավորությամբ: Ուսումնասիրությունը հրատարակության է պատրաստել RAA կազմակերպությունը:

Չավախիի խաչքարերը

Քրիստոնեության տարածման ժամանակներից սկսած Հայաստանում կերտվել ու կերտվում են խաչի հավերժությունը խորհրդանշող հուշարձաններ, սկզբում՝ քառակող կոթողների, իսկ այնուհետև՝ խաչքարերի տեսքով: Իրենց սկզբնավորման ժամանակներից սկսած խաչքարերը կարծես վեր են ածվել հայի մտածողության ու աշխարհընկալման հայելիների: Հարյուրամյակներ շարունակ խաչքարը մարմնավորել է հայի ստեղծագործ էությունը եւ դրսևտրվել որպես զուտ ազգային երևույթ: Այն միաժամանակ իր ուրույն տեղն ունի համաշխարհային քաղաքակրթության գանձարանում:

Խաչքարերը կերտվել են պատմական Հայաստանի ողջ տարածքում եւ տարբեր առիթներով ու նշանակությամբ: Դրանք առկա են նաեւ բուն՝ հայրենիքի սահմաններից դուրս: Մի խոսքով այնտեղ, ուր ինչ-որ ժամանակ ապրել է հայը, լինի դա հեռավոր Հնդկաստանում, թե Ղրիմում, Նոր-Չուղայում թե Դաղստանում կամ թե նույնիսկ՝ Սիրիքում:¹

Առ այսօր հասկանալի պատճառներով պատմական Հայաստանի մեծագույն հատվածում (էլ չենք խոսում գաղթօջախներում պահպանվածների մասին) խաչքարերը դեռես բավարար չափով ուսումնասիրված չեն: Մասնավորապես Արեւմտյան Հայաստանում, Կիլիկիայում եւ ներկայիս Թուրքիայի այլ մասերում գտնվող տասնյակ հազարավոր խաչքարերից միայն հատուկենտ նմուշներ են հայտնի գիտական աշխարհին: Այնինչ, դրանք, որ ակամա փաստում են հայի՝ թեկուզ երբեմնի գոյությունը տվյալ վայրում, հաճախ ենթարկվում են միտումնավոր

1. Սիրիքյան Իրկուտսկ քաղաքում մի խաչքարի պատվանդանին փորագրված արձանագրությունից պարզվում է, որ այն ՌՃԾԸ (1709) թվականից է («Նոր-Դար» օրաթերթ, 1895, թիվ 107, էջ 3):

ու հետետողական ոչնչացման: Խաչքարային արվեստի մնուշները անխնա ոչնչացվել ու ոչնչացվում են մաես Ադրբեջանի հանրապետության տարածքում: Վիճակը փոքր-ինչ բարվոք է Վրաստանում, ուր առ այսօր պահպանված խաչքարերի թիվը (մեր հաշվառմամբ) կազմում է ավելի քան 1150 միավոր: Դրանց ճնշող մեծամասնությունը գտնվում է պատմական Գուգարք նահանգի Ծոբոփոր, Բողնոփոր, Մանգլեսցփոր, Զվեշափոր, Կանգարք, Թռեղք եւ Ջավախք գավառների տարածքում, որոնք համապատասխանում են ներկայիս վարչական Մառնեուլի, Բուլնիսի, Թեթրի-Շղարոյի, Ծալկայի, Դմանիսի, Նինոծմինդայի (Բոզդանովկա) եւ Ախալքալաքի շրջաններին: Քիչ չեն խաչքարերը մաես Վրաստանում հայերի հնագույն գաղթավայրեր՝ Քարթլի եւ Կախեթ պատմական մարզերում:

Հարկ է նշել, որ Վրաստանում պահպանված խաչքարերը եւս, որոնց ինչպես՝ գեղարվեստական, այնպես էլ պատմական արժանիքները անժխտելի են, տարօրինակ կերպով, մույնպես համարյա ամբողջովին դուրս են մնացել մասնագետ հետազոտողների տեսադաշտից: Եւ օրինակ Ջավախքում պահպանված խաչքարերից եւ ոչ մեկը առ այսօր բազմիցս հրատարակված զանազան աշխատություններում (խաչքարերին նվիրված) տեղ չի գտել (մշակութային ժառանգության այս բնագավառը աչքաթող են արել մաես վրաց մասնագետները, որը սակայն ինքնին հասկանալի է):²

Այնինչ, Ջավախքում խաչքարերը սփռված են հիմավորոց գավառի ողջ տարածքով մեկ: Դրանք պահպանվել են գլխավորապես հին գերեզմանոցներում, բայց քիչ չեն մաես եկեղեցիների պատերի մեջ ազուցվածները: Կան մաես մենավոր խաչքարեր, սահմանախաչեր: Ժամանակագրական տեսակետից Ջավախքում առկա են գրեթե բոլոր դարաշրջաններին վերաբերող խաչքարերի մնուշները: Հաջորդելով քառակող կոթողներին, որպիսիք Ջավախքում եւս սակավաթիվ չեն, խաչքարերը կերտվել են առնվազն 9-րդ դարից սկսած եւ, անցնելով իրենց զար-

2. Բացառություն է կազմում 1992 թ. հրատարակած մեր մի հոդվածը (Ջավախքի խաչքարերը, «Ազատամարտ», թիվ 44):

գացման հայտնի բոլոր փուլերը, կերտվում են նաև մեր օրերում: Պահպանված խաչքարերից հատկապես մեծաթիվ են 9-11, 13-14 և 15-17-րդ դարերին վերաբերողները: Բարեբախտաբար դրանց մի զգալի մասը արձանագիր է, իսկ որոշ մասն էլ՝ թվակիր: Գեղարվեստական հարդարանքի տեսակետից Ջավախքի խաչքարերը մեծ մասամբ ունեն պարզ լուծումներ և որոշակի ուշագրավ ընդհանրություններ Հայաստանի մի շարք այլ բարձր լեռնային շրջանների հնավայրերում պահպանված խաչքարերի հետ:

Առավել հաճախակի հանդիպող խորհրդանշական զարդաքանդակներից են խաղողի ողկույզները (մի պտուղ, որը զոնե այժմ խիստ կլիմայի պատճառով Ջավախքում ընդհանրապես չի մշակվում), վեցաթե սատղը և այլն: Ջավախքյան խաչքարերում պատկերաքանդակներ հազվադեպ են հանդիպում, որոնք ի դեպ այնքան հատուկ են ու տարածված, օրինակ՝ Արցախում: Նմանապես հազվադեպ են նաև հյուսածո զարդանախշերն ու զոտիները: Ինչ վերաբերում է դրանց պատմական նշանակությանը, ապա այն թերևս շատ ավելի կարելու է, քանի որ բոլոր այդ խաչքարերը հայ մշակույթի միջնադարյան շրջանի հուշարձաններ են և իրենց զյուրթյամբ ապացուցում են Ջավախք գավառի բազմաթիվ բնակավայրերի հայաբնակ լինելը՝ մինչ 19-րդ դարի սկզբներին Կարինի (Էրզրում) հայերի գաղթը:

Մեր օրերում եւս Ջավախքում խաչքարեր են կերտվում, որոնց ոչ սակավ նմուշները կան Ախալքալաքի ու մի շարք գյուղերի գերեզմանոցներում: Վերջիններիս թվում կան իրական արվեստի գործեր, ուր առկա է ոչ թե սոսկ հնի կրկնության պարզ ձգտումը, այլ ավանդական հիմքի վրա շողախաված ստեղծագործական նոր մտահղացումները:

Սույն աշխատանքով առաջին անգամ ներկայացվում են մեր կողմից Ջավախքի տարածքում հաշվառված և ուսումնասիրության նյութ դարձած ավելի քան 100 խաչքարեր: Ստորև դրանք ներկայացնում ենք ըստ ժամանակագրական հիմքի:

IX-X դարեր

Խաչքարերի վաղագույն շրջանի նմուշներն ընդհանրապես, եւ Ջավախքում նույնպես, մեծաթիվ չեն: Այնուամենայնիվ երկրամասի մի քանի բնակավայրերում դեռես պահպանվել են անարձանագիր առանձին խաչքարեր, որոնք ըստ գեղարվեստական ու ոճական առանձնահատկությունների, ինչպես նաեւ համանման այլ կոթողների հետ դրանց համեմատական ուսումնասիրության՝ կարելի է թվագրել մինչեւ 10-րդ դարով: Մասնավորապես՝ **Ախալքալաք** քաղաքի Սբ. Խաչ եկեղեցու արեւելյան ճակատում ագուցված խաչքարը (76x60 սմ) հար եւ նման է 9-10-րդ դարերում կերտված այլ բազմաթիվ խաչքարերին:³

Նույն եկեղեցու ներսում, իբրեւ սալահատակ (խորանի մեջ) ագուցված են նշված ժամանակաշրջանին բնորոշ եւս 3 խաչքարեր եւ քեկորներ: **Տուրջիս** գյուղի եկեղեցու ներսում եւ հին գերեզմանատանը պահպանվել են մեկական հնաժոճ խաչքարեր եւս, որոնք թվում են ավելի հին, քան՝ 9-րդ դարը, իսկ **Փոկա** եւ **Քունաւեթ** գյուղերի թեւավոր խաչքարերը ըստ ամենայնի հնագույն վիշապաքարեր են (կապված ջրի պաշտամունքի հետ), որ հավանաբար վաղ միջնադարում փոքր-ինչ մշակվելով վեր են ածվել խաչքարերի: Դրանցից առաջինը Փարվանա լճի ափին մի բլրի վրա է, իսկ երկրորդը հորդաբուխ աղբյուրի գլխին (երկուսն էլ կանգուն վիճակում են: Մինչեւ 10-րդ դարի ոճական առանձնահատկություններ ունեն **Վաչիան** գյուղի հին գերեզմանատանը պահպանված զույգ խաչքարերը, **Սուպրա** (190x130x50 սմ) եւ Խանդո գյուղերի (բարձրությունն առանց պատվանդանի 283 սմ) թեւավոր խաչերը: Նույն դարաշրջանի գործեր են **Վարեւանում**, Պետրոս Մանասյանի տնամերձ հողամասում եւ **Քավրա** գյուղի հին գերեզմանատանը պահպանված խաչքարերն ու դրանց պատվանդանները: Ըստ ամենայնի նույն դարաշրջանի գործ է նաեւ Խավեթ գյուղի մոտ պահպանված խաչագարդ կոթողը:

3. Ա. Շահինյան, Հայաստանի միջնադարյան կոթողային հուշարձանները, Երևան, 1984, էջ 12-20: Ս. Կարապետյան, Ամենահին թվագրությամբ նորահայտ խաչքարը. «Էջմիածին» ամսագիր, 1987, Ե-Ձ, էջ 80-81:

XI-XIII դարեր

Ջրեսկ (Կիրովական) գյուղի եւ նրա արեւելյան կողմում գտնվող Ջատկի լճի միջեւ տարածված միջնադարյան բնակատեղիի տարածքում պահպանվել են մի քանի խաչքարերի պատվանդաններ, բայց խաչքարերը կորած են: Միայն մեկը, որի վրա հետագայում փոքրիկ մատուռնման շենք են կառուցել, դեռեւս կանգուն է իր նախնական տեղում (120x65x32 սմ): Վերջինիս ստորին աջ եզրին վեց կարճ տողերով փորագրված է. Ի Թ(Վ)ԱԿ... ՇԻԱ (1072):

Սա Ջավախքի տարածքից մեզ հայտնի թվակիր ամենահին խաչքարն է:

Ախալքալաքի Սբ. Խաչ եկեղեցու հարավային ճակատում (արտաքուստ) ագուցված է մի խաչքարի բեկոր (65x34 սմ) քառատող կիսաեղծ արձանագրությամբ՝ ՉԼԸ թվականից (1289): 12-13-րդ դարերի գրչությամբ ու խաչաքանդակներով մի բեկոր էլ ագուցված է նույն եկեղեցու ներսում (59x46 սմ): Ի դեպ, այդ եկեղեցու պատերի մեջ ագուցված խաչքարերը այդտեղ են փոխադրվել հին Ախալքալաք քաղաքատեղիից, որտեղ որ անընդհատ հայտնաբերվում են արձանագիր տապանաքարեր ու խաչքարեր:

1990-ին նշված քաղաքատեղիում հայտնաբերվեց մի խաչքարի պատվանդան (100x72x55 սմ), որի արեւմտահայաց երեսին կա 7 տողանոց ընդարձակ եւ թվակիր (Չ=1251 թ.); բայց կիսաեղծ արձանագրություն:

XIV դար

1988-ին նույն հնավայրից հերթական անգամ հայտնաբերված գեղաքանդակ խաչքարը (կից տապանաքարը ՉԾ=1301 թվականից է) տեղափոխվեց տեղի պատմական թանգարանի բակը⁴, իսկ այնուհետեւ կանգնեցվեց Սբ. Խաչ եկեղեցու հարե-

ւանությանը (չափերն են՝ 195x79x25 սմ): Այս խաչքարը բավական բարձր արժանիքներ ունի գեղարվեստական լուծումների շնորհիվ: Վերջինիս շատ չեն զիջում նաեւ **Ղուլալիս** գյուղի գերեզմանոցում պահպանված խաչքարերը: Դրանցից մեկը, որ մեջքի վրա ընկած է գետնին ու փոքր-ինչ թաղված հողի մեջ (115x73 սմ) վերնամասում կրում է հետեւյալ հնգատող արձանագրությունը. Ի ԹՎ(ԻՆ) ՉԿԳ (1314): ԵՍ ՇԱՀՍ Կ/ԱՆԳԵՑԻ ԽԱՉՍ ՅԻ/ՇԱՏԱԿ ԻՆՉ ԵՒ ԾՆ/ՈՂԱՅ ԻՄՈՑ ՏՐ ԱԾ/ՈՂՈՐՄԻ ՆՈՑԱՅ:⁵

Նախորդից ոչ հեռու, իր սկզբնական տեղում, պատվանդանով հանդերձ կանգուն է մի գեղաքանդակ, բայց անարձանագիր խաչքար եւս (120x73x23 սմ): Միայն պատվանդանի (բարձրությունը 1 մետր) ճակատին նկատվում է թերի թողնված արձանագրություն: Ըստ գեղարվեստական առանձնահատկությունների՝ ժամանակագրական առումով մոտ է նախորդին: Նույն գերեզմանատանը պահպանվում է նաեւ եռատող, բայց անթվակիր արձանագրությամբ խաչքարի պատվանդան. ԵՍ ՍՈՂՈՄՈՆ ՍՈՒՏԱՆՈՒՆ Զ(Ա)Հ(ԱՆԱ)/ ԿԱՆԳՆԵՑԻ ԶԽ(Ա)ՉՍ ՅԻՇԱՏԱԿ ԻՆՉ ԵՒ Ծ/(Ն)ՈՂԱՅ ԻՄՈՑ, ՏՐ ԱԾ ՈՂՈՐՄԻ ՆՈՑԱՅ:

14-րդ դարով թվագրվող խաչքարեր ու ժայռախաչեր են պահպանվել նաեւ **Գյումբուրդա** գյուղում:

XV դար

15-րդ դարին վերաբերող պահպանված խաչքարերի պահպանված նմուշները Ջավախքում համեմատաբար ավելի մեծաթիվ են, իսկ աշխարհագրությունն էլ ավելի լայն: Միայն **Օրջա** գյուղում պահպանվել են շուրջ 12 խաչքարեր՝ ամբողջական

4. Յ. Մարիբեկյան, Հուշարձաններին հոգատար վերաբերմունք, «Փարոս» օրաթերթ, 1988, 30 հունիսի, թիվ 78:

5. Հնավայրի մասին տես՝ «Ազատամարտ» շաբաթաթերթ, 1993, թիվ 27, 16-22 հուլիս, էջ 15 (մեր եւ Ռ. Նահասակյանի հեղինակությամբ):

կամ բեկորված: Դրանցից 7-ը կրում են արձանագրություններ, ըստ որում 3-ը թվակիր են:

1. ԵՄ Ա(ԱՏՈՒՎ)Ծ(Ա)ՅՏՈՒՐՍ ԿԱ(Ն)ԿՆԵՑԻ
ՁԽ/ԱՉՍ/ Յ(Ի)Շ(Ա)/Տ(Ա)Կ/ ՀԱԻՐ ԻՄ ՍՏԵՓԱՆՈՍԻՆ,
ԹՎ(ԻՆ) ՁԺԲ (1463):

Խաչքարի չափերն են՝ 93x60x29 սմ:

2. ԹՎ(ԻՆ) ՁԺԳ (1464) ԵՄ Մ... [Հ] ՕՐ՝ ԽՈՆԴԲԱՐԻՆ:
Խաչքարի (պահպանվում է միայն ստորին կեսը) չափերն են՝ 54x77x15 սմ:

3. ԹՎ(ԻՆ) Ձ... ԵՄ ԱՂՈՒՆ/Ս ԿԱՆԿՆ/ԵՑԻ
Ձ/ԽԱՉՍ/ Յ(Ի)Շ(Ա)Տ(Ա)Կ ԻՆ/Ձ ԵՒ ԻՄ ՏՂՈՑՆ:

Խաչքարի չափերն են՝ 120x60x30 սմ:

4. ...[ԽԱ]ՉՍ Յ(Ի)Շ(Ա)Տ(Ա)Կ ՀՕՐ ԻՄ ԽՈՂԱՅ.....ԻՆ:

Բեկոր է (53x51 սմ), ազուցված մատուռի պատի մեջ:

5. ...ԴՈԼՎԱԹԻՆ: Թ...

Բեկոր է (30x29x15 սմ):

Մնացած խաչքարերն ու բեկորներն էլ անկասկած 15-րդ դարի կեսերի գործեր են, քանի որ գրեթե նույնությամբ կրկնում են բոլոր զարդածներն ու զրչարվեստը:

Նույն ժամանակաշրջանին վերաբերող երկու խաչքարեր էլ պահպանվել են **Տուրջիս** գյուղում, ազուցված Մբ. Աստվածամոր եկեղեցու արեւմտյան ճակատում: Դրանք երկուսն էլ արձանագիր են և ամենայն հավանականությամբ միեւնույն վարպետի ստեղծագործություն: Խաչքարերից մեկը (96x56 սմ) կրում է հետեւյալ արձանագիրը. ԹՎ(ԻՆ) ՁԺԳ (1464), ԱՄԻՐՍ ԿԱՆԿՆ[ԵՑԻ ԽԱՉ]Ս Յ(Ի)Շ(Ա)Տ(Ա)Կ ՀՕՐ ԻՄ Կ...:

Երկրորդին (92x55 սմ) փորագրված է. ԹՎ(ԻՆ) ՁԺԴ(1465) ԵՄ Մ(ԱՐՏ(ԻՐ)ՈՍ ԿԱ(Ն)ԿՆ(Ե)ՑԻ ՁԽ[ԱՉՍ].....

Անթվակիր, բայց արձանագիր խաչքարեր են պահպանվել նաեւ **Չամդուրա**, **Մուրճախեթ**, **Կուլիկամ**, **Կոկիա** գյուղերում և **Ախալֆալաֆ** քաղաքում: Դրանք բոլորն էլ անվրեպ 15-րդ դարի գործեր են, քանի որ թե՛ վիմագրերի զրչությամբ և թե՛ քանդակների ու զարդերի ոճական և գեղարվեստական առանձնահատկություններով, ինչպես նաեւ կատարման կերպով հար և նման

են նախորդներին:

Չամդուրայում պահպանվել են 3 խաչքարեր: Երկուսը արձանագիր, բայց բեկորված, իսկ մեկը՝ ամբողջական, բայց անարձանագիր: Վերջինիս ստորին մասում պատկերված է մի հեծյալ (112x73x20 սմ): Երեքն էլ գտնվում են գյուղամիջում, հին գերեզմանատանը: Արձանագրվածների բովանդակությունը հետևյալն է. [Ե]Ս ՅՈՎԱՆԷՍ ԵՐԷՅՍ, ԳՐԻԳՈՐՍ, ԿԱՆԿ(Ն)ԵՑԱԶ ԶԽԱՉՍ ՅԻՇԱՏ(ԱԿ) ԵՒԱՆ, ԹԱՄԱՐԻՆ... (չափերն են՝ 90x75x18 սմ):

Մյուսի վրա. ... ԻՄ ԵՂԲ(ԱՅՐ)Ս ՅՈՎ(ԱՆ)ԷՍ ԵՒ ԽԱՉԱՏ(ՈՒ)ՐՍ ԿԱՆԿ(Ն)ԵՑ(Ա)Զ ԶԽԱՉՍ Յ(Ի)Շ(Ա)Տ(Ա)Կ ՀԱԻՐ ՄԵՐ Ս... (չափերն են՝ 65x57x16 սմ):

Մուրճախեթի հարավային ծայրում պահպանված մենավոր խաչքարն էլ (85x70x30 սմ) կրում է հետևյալ արձանագիրը. ՅԻՇԱՏԱԿ Է ԽԱՉՍ ՇԱՀՈՒՄԱՆԻՆ, ՎԱՐՁԷԼԻՆ՝ ԿԱԶՄՈՂՆ ԱՅ(Ս) ԵՒ ԻԻՐ (Կ)ՈՂԱԿ(ՑԻՆ)...:

Կուլիկամի Սբ. Երրորդություն եկեղեցու արևելյան ճակատում, արտաքուստ, գլխավայր դիրքով ազուցված խաչքարի (100x75 սմ) եզրագոտիներով ձգվում է հետևյալ արձանագրությունը. ՅԻՇԱՏԱԿ Է ԽԱՉՍ[ՀԱ] ՅՐՆ՝ ՄՈՒՐԱԴԲ... ԾՆՈՂԻՆ...:

Կոկիա գյուղի հյուսիս-արևմտյան եզրին տարածված հայոց պատմական գերեզմանատանը պահպանվել են մի քանի խաչքարեր, բայց ավելի շատ դրանց պատվանդանները: Միայն մեկի վրա (125x90x22 սմ) ընթերցվեց հետևյալ անթվակիր արձանագրությունը. Յ(Ի)Շ(Ա)Տ(Ա)Կ Է Խ(Ա)ՉՍ ՄԻՐՁԻՆ:

Ախալֆալաֆի Սբ. Խաչ եկեղեցու հյուսիսային պատի տակ (հին քաղաքատեղիից փոխադրված) պահպանվում է ամբողջական, բայց քիվամասում եղծված միատող արձանագրությամբ եւս մեկ խաչքար (98x62x18 սմ), բնորոշ 15-րդ դարին:

Նույն դարաշրջանին վերաբերող, բայց անարձանագիր խաչքարեր են պահպանվել **Բուռնաւեթ**, **Քարսեղ** եւ **Մամգարս** գյուղերում: Վերջինումս պահպանված խաչքարերի պատվանդանները վկայում են, որ միջնադարում այստեղ բազմաթիվ խաչքարեր են եղել:

XVI դար

1502 թ. մի հսկա խաչքար դեռես իր սկզբնական տեղում, բայց փոքր-ինչ թեքված դիրքով պահպանվում է **Կարսիկամ** գյուղի Սբ. Աստվածածին եկեղեցուց հազիվ 60 մ դեպի հյուսիս-արևելք, Կոլյա Դումանյանի տնամերձ հողամասում: Խաչքարի (200x120x24 սմ) վերնամասում փորագրված է. ԵՍ ԽԻՄՇԻ ԱՂԵՍ ԿԱՆԿՆԵՑԻ ՁԽԱՉՍ ՅԻՇԱՏԱԿ ՋԱՀԱՆՇԻՆ, ԴՈՒՄԱՅԽԱԹԻՆ, ՈՍԿԻ ՏԱՏԻՆ, ՄՈՒՐԱՅԴԻՆ, ՄԻՐԱԶԻՆ, ԹԱՅԻԲԻՆ, ԲՈՒԴԱԽԻՆ, ԵԶԴԱՏ ԱՂԽԻՆ, ՋԱՄԲԱՇԽԻՆ, ՄԻՄԵՆՆԻՆ, ԹՎ(ԻՆ) ՋԾԱ(1502):

1956 թ. կատարած հողային աշխատանքների ժամանակ **Գավնյա** գյուղացի Գեորգ Գեորգյանը (այս գյուղը մինչև 1944 թ. թուրքաբնակ էր) հայտնաբերեց մի ամբողջական խաչքար (142x70x13 սմ), որի պահպանությունն իրականացրեց իր տան պատի տակ կանգնեցնելով: Այժմ տան տերն է որդին՝ Խաչատուր Գեորգյանը: Խաչքարի վերնամասում հնգատող փորագրված է. ԵՍ ՂԱՆՓԱՌ ԿԱՆԿՆԵՑԻ ԽԱՉՍ ՄԱՐՈՒՂԱԳԱՆԻՆ, ԹՎ(ԻՆ) ՋԾԴ(1505):

6-7 խաչքարեր են բազմաթիվ պատվանդաններ են պահպանվել **Դիլիսկա** գյուղում, հին գերեզմանատանը, Սբ. Սարգիս եկեղեցում եւ նրա շուրջ: Դրանցից 4 ամբողջական խաչքարեր են ազուցված՝ հիշյալ եկեղեցու ներսում, ըստ որում՝ բոլորն էլ ունեն հողմնահար արձանագրություններ, որոնցից մեկը. ԹՎ(ԻՆ) ՋԿԵ(1516), ՅԻՇԱՅՏԱԿ Է ԽԱՉՍ...:

Բոլոր խաչքարերն էլ միառճ են՝ թե գեղարվեստական-կատարման եւ թե հորինվածքային ու գրչության առումներով:

Կարգախ գյուղից արևմուտք, Խոզարույն (Խոզապին) լճի հյուսիսային ափից ոչ հեռու պահպանվում են հին գյուղատեղիի գերեզմանատան ավերակները: Հնավայրում, որ հայտնի է «Ավետենց սուրբ» անունով, կիսով չափ հողի մեջ խրված դրությամբ պահպանվում են 4-5 խաչքարեր, կիսատեղծ արձանագրություններով: Դրանք բոլորն էլ վերաբերում են 16-րդ դարի 1-ին կեսին:

Ի դեպ, այս հնավայրից մոտ 1 կմ արեւմուտք, գրեթե կից Թուրքիա-Վրաստան պետական սահմանին, պահպանվում են եւս մի հին գյուղատեղիի ավերակները՝ գերեզմանոցով հանդերձ: Այս հնավայրը տեսնել ցավոք մեզ չի հաջողվել, ուստի բավարարվում ենք ավելի քան հարյուր տարի առաջ «Մեղու Հայաստանի» լրագրի թղթակից՝ Բզունու հաղորդած տվյալները վերահրատարակելով. «Ճղարիսթաի եւ Կարգախի մէջտեղում կայ մի աներակ գիւղ Սամախօր անունով, որը արքունական կալուածք է եւ գտնվում է կարգախցիների շահեցողութեան տակ: Այդ՝ բոլորովին գետնի հետ հաւասարած աներակի քարերի մէջ եւ տեսայ 6 խաչքարեր եւ գերեզմանաքարեր հայերէն արձանագրութիւններով, որոնք դժբախտաբար անկարելի եղաւ կարդալ...»:⁶

XVII-XVIII դարեր

Ուշ միջնադարյան խաչքարերի մնուշները Ջավախքում եւս առկա են, բայց նկատելի սակավութեամբ: Ուշագրավ է հատկապէս **Ալասան** գյուղից 1 կմ հյուսիս-արեւմուտք, հին գյուղատեղիի կիսավեր եկեղեցու արեւմտյան կողմում կանգնած խաչքարը (90x90x12 սմ), կերտված 1643 թ.: Սրա վրա դժվարութեամբ ընթերցվում է (արդեն հողմնահար է). **ՅԻՇԱՏԱԿ ԽԱՉՍ ՊԱՐՈՒՆ...., ԹՎ(ԻՆ) ՋՃՂԲ(1643):**

1676 թ. մի արձանագիր խաչքար էլ պահպանվել է Խավեթ գյուղից 3 կմ հարավ-արեւմուտք «**Մրակովալ**» գյուղատեղիի Սբ. Մարգիս եկեղեցու շուրջ տարածված գերեզմանատանը (100x72x45 սմ): Սա ունի «Ամենափրկիչ» խաչքարերին բնորոշ հորինվածք, քանի որ պատկերում է խաչելության տեսարանը: Խառը փորագրութեամբ արձանագրութեանը հետեւյալն է. **Ա(ՍՏՈՒԱ)Ծ ՈՂՈՐՄԻ ԾԱՄԻՆ, ՈՍԿԵՐԻԶԻՆ, ՎԱՐԾԵԼԻՆ, ՌՃԻԵ (1676):** Նույն գերեզմանոցում, մույնպիսի հորինվածքով

6. «Մեղու Հայաստանի» օրաթերթ, 1881, թիվ 191, էջ 3:

մի խաչքար էլ կա, մախորդի մնան կիսով չափ թաղված հողի մեջ, բայց անարձանագիր:

1741 թվականի մի մարմարակերտ խաչքար է ագուցված **Արակովա** գյուղի Սր. Գետրգ եկեղեցու արեւմտյան ճակատում: Սրա ստորին մասում հնգատող փորագրված է: ՍԲ. Խ(Ա)ՉՍ ԲԱՐԵԽՕՍ Է ԱՌ Ա(ՍՏՈՒԱ)Ծ Վ(Ա)Ս(Ն) ԳՐԻԳՈՐԻՆ ԾՆՕՂԱՅ՝ ՂԱԶԱՐԻՆ, ՍԱՌԱԻՆ, ԵՒ ՅԱՆԳՈՒՅԵԱԼ՝ ՀԱՆԲԱՐԻՆ, ԹՎ(ԻՆ) ՌՃՂ (1741):

XIX-XX դարեր

Ինչպես տեսանք 19-րդ դարում կառուցված կամ վերանորոգված եկեղեցիների որմերում հաճախ ագուցվել են հին խաչքարեր, իբրև սուրբ մասունք: Այնտեղ, ուր այդ չի գտնվել կամ չեն ցանկացել տեղահանել գերեզմանատանը գտնվածները, կերտել են նորերը ու այդպես ագուցել եկեղեցիների առավել տեսանելի ու ընդգծված մասերում: Այդպես է օրինակ Մեծ Գյոնդուրայում 1869 թ. նորոգված Սր. Հակոբ եկեղեցու արեւմրտյան ճակատում ագուցված կարմիր տուֆից կերտված գեղաքանդակ խաչքարը: Նույնպիսի լուծումներ ունեն Խոջաքեկի, Գանձայի, Ալաթումանի, Ականայի եկեղեցիները: 19-րդ ու հասկապես 20-րդ դարերում խաչքարերը կերտվել ու առ այսօր առավելապես կերտվում են իբրև գերեզմանական հուշարձաններ:

Այդպիսիք Ջավախքում հանդիպում են գրեթե բոլոր բնակավայրերի այժմեական գերեզմանոցներում: Դա, ինչ խոսք, ինքնին դրական մի երեւոյթ է, քանի որ այդպես պահպանվում եւ զարգացվում է հարուստ ավանդույթների ունեցող հայ մշակույթի մի կարեւոր բնագավառը՝ խաչքարային արվեստը:

Хачкары Джавахка

резюме

С начала распространения христианства в Армении были созданы памятники символизирующие и прославляющие новую веру, с 4-7-ой век в виде четырехгранных стелл, а после 8-9-го веков и в виде хачкаров. Последние, которые создаются и до сих пор, представляют важнейшую и неотъемлемую часть наследия богатого искусства Армении.

Хачкары создавались везде, как на всей территории исторической Армении, так и в ближних и дальних колониях. По неоконченным регистрационным данным их численность доходит до нескольких десятков тысяч (только на территории РА зарегистрировано более 50.000 хачкаров). К сожалению отметим, что до сих пор есть такие регионы, где сохранившиеся хачкары ещё не изучены. Одним из таких регионов является гавар Джавахк в губернии Гугарк исторической Армении (ныне Ахалкалакский и Ниноцминдский районы РГ), где сохранилось более 100 хачкаров. Что касается времени исчисления, то в Джавахке существуют датированные хачкары (так и без эпиграфики) относящиеся к разным векам. Объемлема также география местонахождения Джавахкских хачкаров. Это более чем 30 исторических мест, которые распространены на всей территории гавара. По меньшей мере, встречающиеся Джавахкские хачкары имеют ценнейшее значение как с художественной, так и с исторической точки зрения. Существование хачкаров в разных местах гавара доказывает тот факт, что в течении нескольких веков множество сёл были населены армянами.

САМВЕЛ КАРАПЕТАН

Khachkars of Javakhk Summary

Since the dissemination of Christianity in Armenia monuments symbolizing and glorifying the ideology of new religion have been created and erected, at the beginning in the shape of four-facet stella-stones and then after the 8th-9th centuries in the forms of khachkars (cross-stones). The latter are being created up today and are considered as an important and inseparable part of the Armenian culture.

Khachkars have been created everywhere both on the whole territory of historical Armenia and in Armenian settlements of neighbouring and far-off places.

According to all available final data of the registration of preserved specimens more than 50000 khachkars are already known (only in the territory of the Republic of Armenia).


Unfortunately, still there are regions where the preserved khachkars haven't been studied up today. One of such regions is, e.g., the territory of Javakhck gavar of Gugark province (which now corresponds Ninotsminda and Akhalckalack districts of the present Republic of Georgia) where the number of preserved khachkars is over 100.

As to the chronology, in Javakhck there are inscribed (sometimes dated) and inscription less khachkars referring to all epochs. The geography of their settlement is vast, as well more than 30 olden places spread all over the territory of the ancient gavar.

Khachkars dating back from at least the 9th century and being created up to the present days are of artistic and historical great value.

The existence of khachkars in Javakhck's different places of antiquity is the best proof of many villages being Armenian settlements through ages.

SAMVEL KARAPETIAN





Ախալքալաք, խաչքարեր 9-10 դդ.



Տուրցի գլ., խաչքարեր 9 դ.



Բուռնաճեթ գղ., թեափոր խաչ, 9 դ.



Փոկա գղ., թեափոր խաչ մինչև 9 դ.



Սուլդա գղ., թեափոր խաչ 9-10 դդ.





Վաչիան գղ., խաչքարեր
գերեզմանասանը 9-10 դդ.



Վարեւան գղ., խաչքար 9-10 դդ.

Խալվեթ գղ., խաչքար 10-11 դդ.



Բավրա գղ., խաչքար եւ դասվանդան զերեզմանասանը 10 դ.




Ջրեսկ գղ., խաչքար 1072 թ.




Սաղամո գղ., խաչքանդակ
եկեղեցու բարավորին 10-11 դդ.




Խանդո գղ., խաչքարի-
դասվանդան 10-11 դդ.



Խանդո գղ., թեավոր խաչ 10-11 դդ.




Ախալքալաք ֆաղաֆանեղի, խաչքարի
դասվանդան 1251 թ.



Ախալքալաք, Սբ. Խաչ եկեղեցու ներսում ագուցված խաչաքանդակներ 13 դ.





Խաչքար 1301 թ. հայտնաբերվել է 1988 թ.
Ախալքալաք ֆաղաֆաստեղից




Ղուլալիս գղ., խաչքար 14 դարի սկիզբ




Ղուլալիս գղ., խաչքար 1314 թ.




Օրջա գղ., խաչքարեր 15 դ.



Օրջա գղ., խաչքարեր 15 դ.





Օջա գղ., խաչքարեր եւ
դասվանդան 15 դ.



Օրջա գղ., խաչքար 1463 թ.



Օրջա գղ., խաչքար 1464 թ.



Տուրցխ գղ., խաչքար 1465 թ.



Տուրցխ գղ., խաչքար 1464 թ.




Մուրճախեթ գղ., խաչքար 15 դ.



Մանգարա գղ., խաչքարի թեկոր 15 դ.



Կուլիկան գղ., խաչքար 15 դ.



Ախալալաք, խաչքար եւ
խաչքարի քեկոր Սբ. Խաչ
եկեղեցու սարածօրւմ 15 դ.



Կոկիա գղ., խաչքարեր գերեզմանասանդ 15 դ.





Չամդուրա գղ., խաչքար 15 դ.




Չամդուրա գղ., հասված խաչքարից



Կարիկան գղ., խաչքար 1502 թ.



Կարսիկան գղ. հասված խաչքարից




Չանդուրա գղ., խաչքարեր գերեզմանասանդ 15 դ.

Ղավնիա գղ., խաչքար 1505 թ.




Հասված խաչքարից





Քարսեղ գղ., խաչքար 15 դ.




Բուռնաձեթ գղ., խաչքար 15 դ.




Մրակովալ գյուղատեղի, խաչքարեր 1676 թ. եւ 17 դ.







Դիլիսկա գղ., խաչքար 16 դ.



Դիլիսկա գղ., խաչքար 1516 թ.




Դիլիսկա գղ., խաչքար եւ
դասվանդաններ 16 դ.






Դիլիսկա գղ., խաչքար 16 դ. սկիզբ

Մաջադիա գղ., խաչքար 15-16 դդ.



Գյունբուրդա գղ., խաչքար 15-16 դդ.




Կարգախ գղ., ժայռախաչ (16 դ. սկիզբ)
«Ավետեանց սուրբ» հնավայրում




Ալասան գղ.,
խաչքար 1643 թ.



Արակովա գղ., խաչքար 1741 թ.



Մեռենիա գղ., խաչքար 17-18 դդ.



Մեծ Գոնդուրա գղ., խաչքար ազուցված
եկեղեցու արեւմտյան ճակատում 19 դ.



Ախալքալաք, թեապիր խաչ
20 դ. սկիզբ

Ախալքալաք, խաչաբար 1979 թ.
Ար. հասչ եկեղեցու բակում

